



KENYATAAN MEDIA

www.jkkn.gov.my

UNTUK SIARAN SEGERA

Bil. 5 / 2022

“ALERT”: Pelaksanaan Program Iftar 2021 @ Ramadan *Online* pada tahun lepas berjaya meraih 10,200 penonton. Pada tahun ini JKKN kembali lagi dengan penganjuran Iftar @ KL secara fizikal dengan berkonsepkan Majlis Berbuka Puasa hujung minggu di atas Jalan Raja, Dataran Merdeka Kuala Lumpur.

IFTAR @ KL KEMBALI LAGI

KUALA LUMPUR, 16 April 2022 – Kementerian Pelancongan, Seni dan Budaya (MOTAC) melalui Jabatan Kebudayaan dan Kesenian Negara (JKKN) kembali lagi menganjurkan Iftar@KL setelah 2 tahun pelaksanaannya ditangguhkan disebabkan pandemik Covid-19. Iftar @ KL akan dilaksanakan pada 16, 17 dan 23 April 2022 bertempat di Jalan Raja, Dataran Merdeka Kuala Lumpur. Acara rasmi Iftar@KL pada 17 April 2022 akan dihadiri oleh YB Dato’ Sri Hajah Nancy Shukri, Menteri Pelancongan, Seni dan Budaya bersama YB Dato’ Seri Dr. Shahidan Bin Kassim, Menteri Wilayah Persekutuan, YBhg. Datuk Seri Haji Mahadi bin Che Ngah, Datuk Bandar Kuala Lumpur dan Pengurusan Tertinggi MOTAC bagi meluangkan masa beramah mesra bersama pengunjung yang datang ke program Iftar@KL.

Pelaksanaan program pada tahun ini merupakan penganjuran kali kesepuluh (10) oleh JKKN yang telah bermula sejak tahun 2012. Uniknyanya Iftar @ KL ini adalah berkonsepkan berbuka puasa secara duduk bersila beralaskan tikar dan dihadiri oleh pengunjung termasuk pelancong asing. Pada tahun 2020 ianya tidak dapat dilaksanakan disebabkan pandemik covid-19 yang telah melanda seluruh dunia.

Iftar @ KL yang dianjurkan oleh Jabatan Kebudayaan dan Kesenian Negara (JKKN) merupakan anjuran bersama rakan strategik Dewan Bandaraya Kuala Lumpur (DBKL), Jabatan Agama Islam Wilayah Persekutuan (JAWI) dan Persatuan Seni Budaya Putra serta disokong oleh Jabatan Kemajuan Islam Malaysia (JAKIM). Antara rakan penganjur dalam pelaksanaan Iftar @ KL pada tahun ini ialah Majlis Agama

Islam Wilayah Persekutuan (MAIWP), Pusat Pungutan Zakat (PPZ), Jabatan Kemajuan Islam Malaysia (JAKIM), Kuala Lumpur Food Truck Entrepreneurs Association dan Masjid Jamek Kampong Bharu. Program ini juga turut mendapat tajaan daripada F&N 100 Plus, ADABI, FGV Agro Fresh Gogopasar, Hotel Zamburger, Naurah Care Malaysia, Cosmo Hotel dan Zam Holiday Sdn Bhd.

“Program ini bertujuan untuk mengimarahkan dan memakmurkan ramadan sebagai bulan ibadah dan keprihatinan sesama insan melalui pengisian aktiviti, merapatkan dan mengeratkan silaturrahim serta toleransi antara kaum menerusi program dan aktiviti bagi menyemarakkan kebudayaan dan kesenian Islam kepada pelancong tempatan dan antarabangsa menerusi Program Pelancongan Budaya (*Culture Tourism*),” ujar Haji Mesran bin Mohd Yusop, Ketua Pengarah JKKN.

Antara pengisian sempena program ini adalah seperti Majlis Berbuka Puasa, Penyediaan dan Pengagihan Bubur Lambuk, Solat Berjemaah, Tadarus Al-Quran oleh 80 orang pelajar Tahfiz sekitar Lembah Klang, Tazkirah Ramadan oleh Ustaz Adnin Roslan, Bicara Ramadan oleh Ustaz Haslin Bollywood, Persembahan Nasyid oleh Kumpulan Rabbani, Kaunter Sumbangan, Kaunter Zakat, Sukarelawan dan Jualan Makanan oleh 30 unit *Food Truck*.

Kementerian Pelancongan, Seni dan Budaya (MOTAC) turut merakamkan setinggi-tinggi penghargaan kepada rakan strategik dari Dewan Bandaraya Kuala Lumpur (DBKL), Jabatan Agama Islam Wilayah Persekutuan (JAWI) dan Persatuan Seni Budaya Putra juga sokongan daripada Jabatan Kemajuan Islam Malaysia (JAKIM) serta semua rakan penganjur dan rakan penaja yang terlibat. Sungguhpun pelaksanaan aktiviti fizikal telah dibenarkan, namun kita masih belum menang untuk melawan virus Covid 19. Justeru, para pengunjung diingatkan untuk bersama-sama mematuhi SOP yang telah ditetapkan oleh Majlis Keselamatan Negara dan juga Kementerian Kesihatan Malaysia (KKM).

Bagi mendapatkan maklumat dan keterangan lanjut mengenai program ini, orang ramai boleh melayari laman sesawang JKKN iaitu www.jkkn.gov.my ataupun boleh layari *facebook* JKKN melalui pautan www.facebook.com/mysenibudaya.

-TAMAT-

Dikeluarkan Oleh:

Unit Komunikasi Korporat
Jabatan Kebudayaan dan Kesenian Negara
Tel : 03-2614 8200 Faks : 03-2697 0786

Website: www.jkkn.gov.my **Email:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan @mysenibudaya
Instagram, Twitter & You Tube : @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200	Nik Mohd Fadly Bin Nik Mat Penolong Pengarah Kanan Unit Komunikasi Korporat, JKKN nikfadly@jkkn.gov.my Tel: 03-2614 8200 / 013-382 2115
---	---